

Kommnacht

„Wie komm i denn zur Haus - tür nei, sag du, mei Schätz-le, sag?“

„Druck d'Tür-schnall' ond zieh am Reng, no

moint mei Mua - der, 's sei dr Wend. Komm heit Nacht, wenn's

don - kel isch ond al - le Stro - ßa läär.“

Wie komm i denn zur Haustür nei,
sag du, mei Schätzle, sag?
Druck d'Türschnall ond zieh am Reng,
no meint mei Muader, s'sei dr Wend.
Komm heut nacht, wenn's dunkel isch
ond alle Strôßa läär.

Wie komm i no am Feier vorbei,
sag du, mei Schätzle, sag?
Schitt'sch a bissle Wasser nei,
no meint mei Muader, s rägnet nei.
Komm heut nacht, ...

Wie komm i an eierm Hund vorbei,
sag du, mei Schätzle, sag?
Gib'sch em halt a dicks Kotlett,
no isch er ruhig ond bellt au net.
Komm heut nacht, ...

Wie komm i dann die Treppa nauf,
sag du, mei Schätzle, sag?
Zieh d'Schuah aus ond nemm's in'd Hand,
ond schleich di leis entlang dr Wand!
Komm heut nacht, ...

Wie find i dann dei Kammertür,
sag du, mei Schätzle, sag?
Horch'sch an jeder Tür im Gang,
wo niemed schnarcht, do klopf'sch leis an!
Komm heut nacht, wenn's dunkel isch
ond alle Strôßa läär.

*Überlieferung, schwäbischer Text & Satz:
Linnenzworch, leicht bearbeitet von Hraban*